



23 novambra 2020 (Past Zaranaina ANDRIALAMPISON)

Mpitandrina : Amin'ny anaran'ny Ray sy ny Zanaka ary ny Fanahy Masina. Amena.

Hira : **171 FFPM and 1 "Jeso Mpanjaka malaza"**

Vavaka (Mpitandrina)

Lohahevitra : "*Evangile et nouvelle création*"

Vakiteny 1: Kol 1, 1-8

« 1 Paoly, Apostolin' i Kristy Jesosy noho ny sitrapon' Andriamanitra, ary Timoty rahalahy, 2 mamangy ny olona masina any Kolosia, dia ny rahalahy mahatoky ao amin' i Kristy: ho aminareo anie ny fahasoavana sy ny fiadanana avy amin' Andriamanitra Raintsika. 3 Misaotra an' Andriamanitra, Rain' i Jesosy Kristy Tompontsika, izahay amin' ny fangatahanay mandrakariva ho anareo, 4 rehefa renay ny finoanareo an' i Kristy Jesosy sy ny fitiavanareo ny olona masina rehetra, 5 noho ny fanantenana izay tehirizina any an-danitra ho anareo, dia ilay efa renareo fahiny tamin' ny tenin' ny fahamarinan' ny filazantsara, 6 izay efa mby eo aminareo, tahaka ny eny amin' izao tontolo izao koa, sady vokatry sy mitombo tahaka ny eo aminareo koa hatramin' ny andro nandraisanareo sy nahalalanareo tsara ny fahasoavan' Andriamanitra araka ny marina; 7 tahaka ny efa renareo tamin' i Epafra, mpanompo namanay

sady malala, izay mpanompon' i Kristy mahatoky ho anay,8 sady efa nanambara taminay koa ny fitiavanareo ao amin' ny Fanahy. »

Hira : 171 FFPM and 2 « Jeso Mpandahatra hendry »

Vavaka :

→Fisaorana sy fankalazana an'Andriamanitra noho ny fitiavany – noho ny nifidianany antsika ho Azy.

Vavaka (Mpitandrina)

Vakiteny 2: Kol 1, 15-20

« 15 Izy no endrik' Andriamanitra tsy hita, ny Lahimatoa talohan' izao zavatra ary rehetra izao;16 fa tao aminy no nahariana ny zavatra rehetra any an-danitra sy etỳ ambonin' ny tany, dia ny hita sy ny tsy hita, na fiandrianana, na fanjakana, na fanapahana, na fahefana, Izy no nahariana ny zavatra rehetra, sady ho Azy izany;17 ary Izy no talohan' ny zavatra rehetra, sady ao aminy no aharetan' ny zavatra rehetra.18 Ary Izy no Lohan' ny tena, dia ny fiangonana; Izy no voalohany, dia ny Lahimatoa tamin' ny maty, mba ho Lohany amin' ny zavatra rehetra Izy.19 Fa sitraky ny Ray ho ao aminy no hitoeran' ny fahafenoana rehetra,20 sady Izy no hampihavanany ny zavatra rehetra aminy, ka dia ny ràny teo amin' ny hazo fijaliana no nanaovany fampihavanana - eny, Izy, hoy izaho, no fampihavanana izany, na ny etỳ ambonin' ny tany, na ny any an-danitra. »

Hira : 171 FFPM and 3 "Jeso, Mpanjaka Tsitoha"

Aix-Marseille, Amiens, Annemasse, Athis-Fanantenana, Avignon, Bordeaux, Caen, Cergy, Clermont-Ferrand, Creil, Dijon, Evry-Fitiavana, Fihobiana-Paris, Grands-Champs, Grenoble, La Réunion, Lille, Lyon, Melun, Montpellier, Mulhouse, Nancy, Nantes, Nice, Orléans, Paris, Poitiers, Port Royal Arago, Reims, Rennes, Rouen, Saint-Etienne, Strasbourg, Toulouse, Tours, Troyes, Vatofehizoro, Vincennes, Yvelines-Fahazavana

Vavaka :

- Fisaorana an'Andriamanitra Mpamorona – Mpamonjy
- Fisaorana an'Andriamanitra mpamelona izao rehetra izao sy mihazona azy
- Fifonana noho ny tebiteby -tsy fatokiana an'Andriamanitra
- Vavaka ho an'ny Fiangonana kristiana manerana ny tany mba ho vavolombelona mahatoky

Vavaka (Mpitandrina)

Vakiteny 3: Kol 1, 21-29

« 21 Ary hianareo, izay olon-ko azy fahiny sy fahavalo tamin' ny sainareo noho ny fanaovan-dratsy, no efa nampihavaniny ankehitriny²² tao amin' ny tenan' ny nofony, tamin' ny fahafatesana, mba hatolony ho masina sady tsy hanan-tsiny amam-pondro eo anatrehany,²³ raha maharitra amin' ny finoana hianareo ka mafy orina sady tafatoetra ary tsy mety hafindra hiala amin' ny fanantenana avy amin' ny filazantsara, izay efa renareo sady notorina eny ambanin' ny lanitra rehetra eny; ary izany no nanaovana ahy Paoly ho mpanompo.²⁴ Ankehitriny dia mifaly amin' ny fiaretako ho anareo aho, ary mahatanteraka ao amin' ny nofoko izay tsy vita tamin' ny fahorian' i Kristy ho an' ny tenany, dia ny fiangonana,²⁵ izay nanaovana ahy ho mpanompo araka ny fitondran' Andriamanitra nomena ahy ho anareo, hahatanteraka ny fitoriana ny tenin' Andriamanitra,²⁶ dia ny zava-miafina, ilay voàfina hatramin' ny fahagola sy ny taranaka maro, fa voaseho ankehitriny amin' ny olony masina,²⁷ izay efa tian' Andriamanitra ho nampahafantarina ny haren' ny voninahitr' ity zava-niafina ity any amin' ny jentilisa, dia Kristy ao

Aix-Marseille, Amiens, Annemasse, Athis-Fanantenana, Avignon, Bordeaux, Caen, Cergy, Clermont-Ferrand, Creil, Dijon, Evry-Fitiavana, Fihobiana-Paris, Grands-Champs, Grenoble, La Réunion, Lille, Lyon, Melun, Montpellier, Mulhouse, Nancy, Nantes, Nice, Orléans, Paris, Poitiers, Port Royal Arago, Reims, Rennes, Rouen, Saint-Etienne, Strasbourg, Toulouse, Tours, Troyes, Vatofehizoro, Vincennes, Yvelines-Fahazavana

anatinareo, Izay fanantenana ny voninahitra;28 Izy no torinay, ka samy anarinay sy ampianarinay amin' ny fahendrena rehetra ny olona rehetra, mba samy hatolotray ho tanteraka ao amin' i Kristy izy rehetra.29 Ary ny hahatanteraka izany no ikelezako aina koa sy iezahako fatratra araka ny fiàsan' ny herin' ilay miasa mahery ato anatiko. »

Hira: 599 FFPM and 3 "Raiso, ry Tompoko, ny fikasako"

Vavaka :

→ Fanavaozana ny fanolorantena ho an'i Kristy Mpamonjy.

→ Ho an'ny fiaraha-monina misy antsika, ho an'ny tsy salama sy ny azon'ny manjo sns.

→ Hetaheta manokana

Vavaka (Mpitandrina) + « Rainay izay any an-danitra... »

Hafatra :

"Aoka ny tenin' i Kristy hitoetra betsaka ao aminareo." (Kol 3, 16)

Tsodrano :

« Ho an' izay rehetra, malalan' Andriamanitra sady voantso ho masina: ho aminareo anie ny fahasoavana sy ny fiadanana avy amin' Andriamanitra Raintsika sy Jesosy Kristy Tompo.» (Rom 1, 6)

Mpitarika: Voninahitra ho an'Andriamanitra, Ray sy Zanaka ary Fanahy Masina, Izay hatramin'ny taloha indrindra ka ho mandrakizay.

Mandehana amin'ny fiadan'ny Tompo. Amena.

Aix-Marseille, Amiens, Annemasse, Athis-Fanantenana, Avignon, Bordeaux, Caen, Cergy, Clermont-Ferrand, Creil,
Dijon, Evry-Fitiavana, Fihobiana-Paris, Grands-Champs, Grenoble, La Réunion, Lille, Lyon, Melun,
Montpellier, Mulhouse, Nancy, Nantes, Nice, Orléans, Paris, Poitiers, Port Royal Arago,
Reims, Rennes, Rouen, Saint-Etienne, Strasbourg, Toulouse, Tours,
Troyes, Vatofehizoro, Vincennes, Yvelines-Fahazavana